

貴池縣志

貴池縣志卷三十一

知貴池縣事陸延齡重修

人物志

義行

南唐

許規遠之四世孫攜家居貴池一日於宣州客邸聞呻吟聲就問之曰吾家建康將有所往而病規為延醫治之不愈其人知規長者檢橐得百金託以後事且曰其所餘者悉奉君及卒規具棺收殮以餘金詣建康訪其家還之後其子逖員外

貴池縣志

卷三一

人物志 義行

一

郎曾孫元官至天章閣待制知揚越二州

見南唐書並通志

明

李積惠字春明正統十一年饑出積穀二千餘石備賑有司上

其事旌為義民勞以羊酒仍免本戶差役五年歿祀鄉賢

府志

馬如騏字積安與弟如隆並敦義讓天順閒歲饑諭民有輸粟

者以官授之如騏昆弟出粟五百石以賑不受官

采訪冊

馬潑看馬賢三養子明季兵亂圍宅乃請衣其衣冠代主出與

兵白死之

采訪冊

呂清字澄源成化二年饑捐粟五百斛以賑欽賜七品冠帶

采訪

胡浩源成化二年過銅陵目擊飢民狀運米五百石以賑銅人

德之大吏奏給七品冠帶不受遂旌其閭曰尚義之門子綱

與迪俱有父風嘗同往郡途中得遺金一囊訪其人還之成

化閒兩捐穀賑鄰里飢者

府志

孫俊成化二年饑出米五百石以賑知府詳給七品冠帶

府志

柯一儉字汝家與人面無苛責退無異詞得失在前喜怒不見

與兄一勤極友愛弗聽婦言

舊志

陳恩性孝友博通子史工詩文行爲時所重

舊志

貴池縣志

卷三一

人物志 義行

二

杜玉珍成化閒大荒發粟賑濟賜七品冠帶

采訪冊

潘永志字原道成化拔貢歷任廣東韶州府通判致仕後遨遊

山水見桃陂下星石雙峙卜居之設義學修白洋塔

采訪冊

潘鑰字良用官主簿捐修郡城北門郡守嘉之贈北門鎖鑰額

孫一宏助修池陽水口

采訪冊

方諭宏治閒出穀備賑常置榷殮死者孫一坤曾孫端美皆克

繩祖武輸銀賑饑郡邑屢旌之

府志

汪潔字仲廉和厚性成樂善不倦屢舉鄉飲賓正德四年奉詔

輸金助賑賞七品散官給尚義坊

采訪冊

按漆志汪潔後載有李廷臣一條查李廷臣已載宦績毋庸重列今刪新纂

李東璧字明卿少力學嘗書司馬溫公我箴王陽明先生諭俗置座右弟兄合爨不計有無萬曆二年貢爲江西德化縣主簿遷饒州紀善府志

王極字一泉家素封施棺槨給緜襖歲以爲常萬曆三十六年水災出粟賑窮全活無算卒時僅餘田數十畝采訪冊

洪大柏萬曆己酉創建妙因塔助築青雲隄郡縣重之舉鄉飲賓府志

貴池縣志

卷三一

人物志 義行

三

王一奎素好義天啟閒建亭於郡西孔道以憩行者夏則施茶知府顧元鏡名其亭曰助龍蓋以亭爲郡城山來脈也子命臣能世其德知府喻成龍列其名於旌善亭府志

王漢性孝友足不至市弟濟浩亦有先民風知府田賦贈濟詩曰閉戶考槃誰更識生平作善不求知春風春草渾閒事自辦詩書日課兒舊志

唐大俊孝繼母育孤弟施予不吝崇禎二年舉鄉飲賓府志

唐廷芝字心吾守正不阿爲里黨所矜式崇禎五年舉鄉飲賓

采訪冊

施立名崇禎十三年捐穀賑饑子光閭孫家修俱捐穀助賑後

家道中落歲歉猶鬻產以賑知府嘉之名其里曰景仁里府志

李名揚崇禎十四年饑道殣相望揚卽所居唐田日作糜賑飢

者並掩死者子育陽孫公錫亦屢出粟賑鄉里孫德培捐租

爲學田府志

柯孟顯字惟達幼孤事母孝遭明季亂遂棄城市築室流婆磯

讀書垂釣不與戶外事崇禎十三年郡大饑出粟賑鄉黨全

活甚多以子仲實貴贈奉政大夫府志

曹大統字遂初崇禎十六年流賊躡池州各鄉大統請行團練

貴池縣志

卷三一

人物志 義行

四

法募丁壯禦之衆賴以保時流賊多掠婦女大統輒贖還其

夫家歲歉捐米煮糜或計口授糧以賑每歲製絮衣給寒者

置槽給不能殮者及病革猶還數千金之券而沒府志

桂璿撫遺孤焚貸券於世無求有古義民風萬曆府志

郎大徵少有至性長好義嘗於旅中贖難女還其家崇禎十六

年春左兵屯池州城中震恐兵備程世昌欲犒師難於將命

者大徵請往說良玉退師城賴以完旣又欲屯東流大徵復

言曰大將軍不世之業豈可付之東流師遂去子必光性至

孝郭知府以世德纘承顏其堂江南通志

劉裕好行善埋胔掩骼歲以爲常嘗建城西七里橋三座以濟行旅道拾遺金一囊待其人還之

府志

章一守號玉臺幼貧耕東山下田有枯骨爲封之間其田半畝是歲旱鄰田俱槁獨一守田獲數倍由是財漸豐鄰有貸金未償者一守偶過其家其人疑來索負輒應之曰有旣而見十數人踉蹌至詰之乃主人鬻婦以償諸負十數人皆索負者并媒氏也一守大驚解囊代償全其夫婦又里有竄人山居盜過其舍強之炊後盜敗株連一守爲辯脫之里中高其義生十子百孫與其妻壽俱九十餘

府志

貴池縣志

卷三一

人物志 義行

五

李嘉性剛直里有巨猾搏噬爲害嘉設策除之里中以靖土寇至里人棄其居亡去嘉請官兵駐守一方無寇患國變後棄

諸生灌園課農桑以老

府志

吳希沛素好義課孫運新成進士舉鄉飲賓年八十餘卒

府志

桂之恒周人之急負不責償鄉黨咸頌其德

舊志

汪天泰性好施嘗買地作義塚

府志

吳思周字玉田客至無論識與不識輒款留宗族貧而文者傾

囊贍之不能嫁娶者賑給之子應箕以文章節義著

采訪冊

胡志鎬字掌溪舉鄉飲賓生平樂善好施凡遇歲祲卽發粟賑

郵往時瑯山路經峽內商旅時憂暴客志鎬輸金買山鑿開  
孔道盜患始息壽九十六生六子十八孫采訪冊

謝癱子遺其名萬歷時杏村人臀嘗就地以手墊足行乞偶拾  
遺金越宿其人至詢實還之人揖謝癱子忘已之廢疾起而  
答禮揖畢移足能闊步矣後擅風鑑休咎多驗人疑爲神授

云杏花村志

陳尚義字渭濱疏財仗義與吳應箕有媿誼囊橐相通毫無吝  
色明亡應箕起兵尚義助穀三百石濟餉采訪冊

胡旦與兩弟同居無間言歲荒散穀鄰里中無飢殍采訪冊

貴池縣志

卷三一 人物志 義行

六

以上漆志附新纂

曹集號憑湖萬歷己卯棘闈擬魁以觸諱見遺食餼三十年學  
使者耿公薦之廷試授訓導性至孝居艱哀毀骨立孺慕至  
老不衰生平嚴去就慎取舍砥節礪行里黨師之人物志

陳大章字海粟由明經任婺源學博屢遷至嘉善令歸里明季  
同宗有謀不軌者大章聚父老曰此姦民也當除之以全我  
宗族遂斃之四境帖然一鄉得免於難人物志

檀之俊字明卿萬歷閒拾遺金百兩於路坐路旁以俟失者不  
至次日復坐其地以俟之有醫生江西人號泣尋至俊詢實

舉銀還之時俊年踰五旬尙無子醫生感謝授以廣嗣九次  
年舉一子縣令以額旌之

人物志

以上新增

國朝

姜南金字金如諸生順治間歲饑倡首平糶作隨分言以  
勸族人其略謂施濟則無窮引分則易了一鄉中長於吾  
者吾父兄行也幼於吾者吾子弟列也而忍聽其嘸飢號  
寒坐以待斃乎於是族人皆樂輸是歲饑而不害

采訪冊

章如玉幼孤事祖母至孝性敦厚不苟言笑歲稔嘗捐穀

貴池縣志

卷三一

人物志 義行

七

數百石以賑又製絮衣置棺槨以給寒與不能殮者時葺  
橋梁治道路憲使旌之

府志

方時起里有鬪者輒排解捐資息訟歲歉捐穀以賑

府志

方士遇喜積書培植寒士康熙間建義學輸田八十二畝  
延師課族中子弟給以膏火至今子孫蕃衍克繼書香人

以爲好義之報

采訪冊

儲傑元歲貢生好學能文事母以孝聞康熙三十四年府  
庠有桂藻者應貢傑元次之藻爲讐者斷其右指臨試習  
左書字不端楷學使欲黜藻而貢傑元傑元爲涕泣以請

學使嘉其讓德友人唐雲龍無子妻悍不能置側室傑元  
橐金爲納妾於維揚生子順生雲龍病篤傑元分宅居順  
生復爲部署家計而後返其宗邑中修學賑饑皆資其力

府志

章斐然字非文一守第六子爲諸生有聲遇事能斷葺宗  
祠拯急難年九十餘

府志

章循之素好善調急治道路葺橋梁子顯任繼之每歲杪  
出米製衣濟凍餒者府縣俱旌之

府志

曹大仲字心月家頗豐不事封殖里中婚喪匱乏者助之

貴池縣志

卷三一

人物志 義行

八

歲歉糴米西江以濟糴價之盈虧弗計也又就道設糜以  
食老疾之不能受粟者崇禎末流寇過境出千金募健旅  
守要害同里以全繼室吳氏避流寇於其母家置有田宅  
寇平而歸悉推以與媼戚之貧者

府志

李轄字元貞以古道砥俗一故人子貧不能自存轄爲婚

娶資給之

府志

陳光祚號華邱素好義族中有爭繼者光祚曰奈何以財  
利傷天倫乎乃推己業定其嗣一滕姓者爲追逋所窘光

祚代償無德色後子以運貴贈文林郎

府志 按以運萬  
歷間舉人官邵武

同知  
新纂

鮑師孟字養浩幼失怙上事祖與孀母下育弟妹孝友慈

愛人無間言徵君劉城銘其墓

采訪  
冊

張紫遴素急公歲歉倡賑鄉里孫裔熾繼之亦捐穀百餘

石以助賑

府志

章廷芳字采臣順治甲午副榜力學敦行伯兄早沒曲體

親志導養弟姪恩義周至見族子弟有材質者教之力不

能婚嫁者助之任恤鄰里尤多利濟

府志

方立字掄先祇事孀母友兄弟睦族黨歲歉買穀千石半

貴池縣志

卷三一

人物志 義行

九

價以售穀盡復買麥二百以繼族中貧乏者倚之吳文簡

襄爲之傳

府志

管天郊庠生性好義春鍛農器冬製絮衣以資貧者糶穀

於鄰里減市價十之二三又工岐黃遠方就診者藥餌飲

食必親調劑

府志

按通志孝友門載天郊事父母孝舉優行第一援例

授知縣以母老辭母歿廬墓三年

新纂

方之鈞字旣亭援例理問歲饑以穀數百斛輸於官爲捐  
者倡民以全活孫春長援例主簿乾隆五十年捐米百五

十石以賑施棺施金歲以爲常

見池陽韻紀

章咸字準黃庠生里中橋路涼亭多所建葺知府列其名於旌善亭子升貢生撫從弟兩代遺孤修隄葺學倡首捐貲乾隆九年舉鄉飲賓以子宗輅官中書科中書

贈承德郎

府志

何天球字禹珍早孤奉母撫弟克盡孝友弟天衢諸生爲天柱令以廉幹稱天球實左右之子錦龍錦鼈能繼其志父沒事繼母倍孝乾隆丙子有蘇州舟人負潛山客錢數十緡索之急鬻媳以償錦鼈聞而憫之如數代償更給路

貴池縣志

卷三一

人物志 義行

十

費舟人問姓名不答亦不問其姓氏

府志

檀仕志字希文弱冠失怙曲承母歡從兄弟之不能室者爲之完娶並分宅讓產有旌德陶人負城工銀繫獄憫其異地代償之得釋歲歉加意賑卹煮糜平糶給牛種鄉人

賴之舉鄉飲賓

府志

吳熊字夢飛國學生敦厚好義子宏道貢生乾隆丙寅舉鄉飲大賓族里善舉樂爲襄事孫鳴鸞舉於鄉

府志

許國全字匡一候選經歷乾隆辛未歲歉出米七百石平糶丙子饑復捐米千餘石散給貧戶知府列其名於旌善

亭舉鄉飲賓志府

張芳新康熙戊子歲歉捐穀五百石助賑全活甚衆人頌

其義志府

李元建好周急雞頭嶺爲通郡要道勢極險峻元建修成

坦途行人稱便子名能貢生世修弗替志府

章顯達字德宇夜泊谷潭湖聞江中悲號聲知遇盜遂駕

艇直前救商人舟子五人於水中復呼衆邀截盜乃棄賊

遁商重酬之不受又冰凍灣火災十餘家無所棲止顯達

以所儲蘆葦盡予苦蓋不責償災民感之志府

貴池縣志

卷三一

人物志 義行

十一

章應鸞字瑞翎葺學宮建橋梁必爭先捐助族里借貸者  
貧不能償焚其券歲嘗捐穀助賑子俊偉洪含克承先志

志府

柯巒字積樓少失怙事母以孝聞修桃陂路歲施藥以活

人遠近義之志府

包惟賡少失怙事兄甚謹分產讓肥受瘠歲歉捐穀以濟

族里鄉人稱之志府

程發元例貢生好施濟虹昇橋爲安池孔道乾隆丙戌圯

發元獨捐六白金修建且命後人世葺之丁酉洪水衝損

子良明重修弟恒元亦好義平糶修路歲以爲常以匯鎮

水口無鎖鑰出二千餘緡建聚奎樓以鎮之

府志

章一敬延師課里中子弟設局診治時疫勸化偷兒改行

爲善人推其義

府志

章仁山字少朱諸生能文章事嗣母暨本生父母兩得其

歡有友代購一地將扞以葬有妨鄰墓亟還其券不索價

鄰感其義別引一山購之獲吉壤子珮瑛繼志好善珮瑜

知昌平州稱能吏

府志

曹光國字儀廷少極貧以勤苦制生產人以急難告者無

貴池縣志

卷三一

人物志 義行

十一

弗應歲歉捐賑冬暮周窮善聲遠著

府志

章應彭建亭梨嶺以憩行人半路鋪爲邑中孔道輸田爲

修理資嘗在城南見投河者問之以失銀十兩故彭如數

予之不通姓氏而去其後失銀者偶至其宅始知爲應彭

云

府志

陳假年力作自養與妻子敝衣蔬食耕績之餘調其族屬

鄉有七里峻嶺爲之平道建亭溝汀爲徽池孔道龍灣礁

嶠二水漲發行旅病之假年倡建石橋兩處至老家無儲

積困頓以終貧而好善恒情尤難

府志

杜 字南河族有勾補戍伍者株連原籍慶慷慨願往卒

辯其非並免後累為族中均業息爭咸稱公正志 府

章顯裕慷慨好施撫孤姪周鄰里里人稱之志 府

張盡美受縣丞職歲歉出穀散給閭里修橋葺路施茶藥

助殯殮乾隆九年舉鄉飲賓子昌全誠亦克紹先志志 府

曹守美字公遜親沒廬墓三年歲歉捐穀助賑獨建蔭水

橋以便行旅志 府

王佐字公弼親沒廬墓三年居近江干頻埋枯骨鄉里稱

之志 府

貴池縣志

卷三一

人物志 義行

杜養棟諸生十歲失怙事母撫弟克盡孝友建宗祠修族譜皆竭力營辦族有誣獄力雪其枉施茶施粥德及一鄉

舊志 續編

杜鏊田庠生入太學敦睦九族創立文會以勵後學子芳

注博學能詩克成父志舊志 續編

吳大方字坤履援例州同素封好義康熙戊子輸穀百石

助官賑飢里有逋千金者大方憐其貧折券還之家濱湖

當孔道建橋以便行人工費千緡今稱吳家橋舊志 續編

張紹軌字聿修紫遴孫遺腹生例貢生事母克孝屢遇歲

歎承母志捐穀賑飢又葺唐田橋行旅稱便

舊志  
續編

孫士輝太學生善事繼母鄰里有貧困者時周邨之

舊志  
續編

杜鑑例貢生敦睦宗族不吝財貲里中有訟輒彌其隙舉

為族正子弟無違教者

舊志  
續編

儲秉鈞孝思真摯動必以禮伯母孀居事之如母嘗徒步

數百里構木新安以為之槨有堂嫂以苦節著秉鈞朔望

必衣冠揖之例既符為請

旌表施棺施衣每歲無間

采訪  
冊

姚勗援例同知嘗於縣學門左建文昌閣又於府學門外

貴池縣志

卷三一

人物志 義行

十四

捐田開溝以通外泮乾隆丙子饑出穀賑濟又命子志鵠

倡修文廟孫瓊林倡修文昌宮嘉慶辛未捐賑人稱其克

承祖志

采訪  
冊

高思登每值歲荒倡首散穀疫則倡捐施棺文德嶺為徽

池孔道險阻難行思登修三百餘丈又修隔頭路三百丈

陳村河舊有木橋洪水至則衝圯思登獨建石橋行人便

之

采訪  
冊

李玉筍字大俊幼極貧力業起家慷慨好施於建邑通衢

造坦坦亭捐租設渡人無病涉又於蜈蚣嶺雞頭嶺各造

石亭以息行者倡立義學族中貧不能教子者胥賴之里有總管廟洪水衝圮玉筍捐金數百鼎建鄉里咸稱其義

采訪  
冊

李向熨字在粵好善樂施嘗捐資修櫟根嶺路建亭造橋以利行人里有孤寡困苦者輒爲調恤壽享百齡孫曾數十其躬膺善報如此

采訪  
冊

王熙裕字惟若親沒不飲酒茹葷有姪不能娶爲之授室又捐租入祖祠以奉香燈

采訪  
冊

曹思睿字玉峰有姊隨夫之官思睿往視歸時姊爲治橐

貴池縣志

卷三一

人物志 義行

十五

抵家發之得五十金後姊旋里還之封識如故子應忠字獻臣有父風幼見遺金弗取歲饑爲食於路以待餓者

舊志

續編

曹文愨字樸臣四歲時長者與果袖而貽諸父母後服賈京師有倉使負官儲將鬻女文愨代償之里有困京師者思傾橐呼盧爲歸計不勝自經救甦載與俱歸以孫麟開

官

貽贈奉政大夫

采訪  
冊

姚懷字秉彝太學生篤孝友好賓客濟人緩急莊村建家

廟捐百金爲倡有姑生五子而寡貧無以生懷迎養之教其孤及長爲之婚娶懷制義取法極高工詩潘瑛選入

國朝詩萃子翔庠生品學皆肖先人

采訪冊

李兆鈞字秉洪少讀書能文負笈郡城汪孝廉逢春門聞兄以爭祖墳山獲罪急歸謂其兄曰兄尚無後吾子有三兄善事父母吾願以身代之臨刑不悔知府張士範廉得其實以孝義可風額獎之

采訪冊

陳應科修河西大路以便行人歲荒族人欲伐來龍樹木出金分給以保庇蔭南鄉有負官糧百餘金者鬻屋代償

貴池縣志

卷三一

人物志 義行

十六

舉鄉飲賓

采訪冊

陳肇瑾字中和乾隆間歲荒盡出所儲以贍族人焚借券

不責償舉鄉飲賓

采訪冊

李爲楫字濟川太學生族設義倉義學皆捐重金爲倡并捐祀田於宗祠歲荒輒輸穀以賑鄉里貧不能殮者施以棺又建仙姑殿修源頭路族有貸其三百金不能償者臨終以田抵償爲楫憫之焚其券

采訪冊

李本洛字伊玉太學生造源頭石亭橋以便行人捐穀入義倉義學其祖造吳峰橋本洛屢修之刻送敬信錄散贈

四方冊 采訪

姜如璋疏財尚義與諸堂兄弟析產例得半卒五分之一人稱義讓以子像官

贈王府典膳冊 采訪

董復明字君輔勇力過人重然諾有古俠士風居樅陽時有豪右方姓者號五倡鬼爲一鎮害至收良家妻孥爲僕妾復明語人曰我不除此惡孽誰能安堵而處伺其入市鞭撻而唾罵之與俱溺死鎮人感嘆輸金助斂弔者不絕

於塗冊 采訪

貴池縣志

卷三一

人物志 義行

十七

呂惟蓋嘗寓郡城居停爲索逋者逼夜經於室蓋聞呼吸聲驚起救之貸銀以償又遇一婦投水氣將絕赴水救之問其故曰爲夫與姑所逼因勸之以孝後姑媳夫婦無間言冊 采訪

唐應昌字質公孝友傳家代有義行建雙河口渡以便行人造桂家阪大路數百丈迄今六世同居冊 采訪

柯用極字式三承父良宰遺志修觀前鎮長河木橋二十餘丈水漲設船作渡於河東岸建航渡菴捐田九十餘畝召僧管理時修橋船以垂久遠人得利濟冊 采訪

王德大歲歉捐糶大疫送藥施棺年終出錢米以濟里黨  
之貧者采訪冊

唐遺風字寅功府貢生精研經學工詩文承祖文璧孝友  
遺風五世同居合室輯睦弟桂森撰家訓十則人以爲式  
采訪冊

唐永清字祝華監生九歲失怙孝養孀母弟沒撫二姪成  
立捐金倡建宗祠子枝芳樹芳工詩助棺施茶克繼善行  
采訪冊

檀之棟字紹陳增生少讀書秀山書院思親心痛歸父果

貴池縣志

卷三一

人物志 義行

十八

病半月不解衣帶禱告神祇小江家橋口爲旌太諸邑通  
衢向有木橋山水時沖民多病涉之棟創建石橋業師徐  
行家貧年老延至家供奉甘旨三年無閒師故殯葬如禮  
采訪冊

董文敏字曉明乾隆乙巳歲大荒文敏與從兄戒貸金以  
濟族鄰全活甚衆采訪冊

葛大受字若虞素封好義輸田備祭乾隆壬午捐葺郡城  
大吏獎之采訪冊

杜玉瓚字宗玉與堂兄弟析產例得半瓚以伯三子欲四

分之相讓數月不決時稱有薛包之風采訪冊

杜鳴謙字佑德貢生忠信孝友重道尊師乾隆五十年大饑出粟煮粥人已同食鄰里以全采訪冊

吳明健字姚評援例州判嘗增築新河隄費數千金大吏旌之又捐租三十餘石於家廟以備祭典捐租四十餘石為族中子弟賓興費鄉人義之采訪冊

紀長淑天性至孝每春秋祭饗萃族中子弟申孝弟講禮讓聽者咸服烏沙夾濱大江差務繁難鄉保苦之長淑捐

田以資其費采訪冊

貴池縣志

卷三一

人物志 義行

十九

紀泰磐字石安諸生嘗於烏沙鎮增置田畝以應差務并捐租數十石為倡設立義會以助賓興知府荆道乾甚敬禮之郡有大典禮大徭役必與商推修試院及通濟橋舉為總理享年九十采訪冊

吳正昂字東華所居水口有水車嶺山路險峻下臨深淵正昂悉斃以長石又依山鑿壁建傑閣祀文昌於其上人稱義舉采訪冊

桂齊禮字定周少孤善事母乾隆四十七年杜隄橋圯長隄傾二十餘丈齊禮捐貲倡修以便往來撫幼弟齊接齊

國同居三世大饑出粟以賑里人頌之

采訪冊

桂齊瓏字瓏玉乾隆戊子大疫施藥全活不少

采訪冊

管毓霞字亦光數世好善每歲施藥冬施衣又施茶於百

子亭家道中落猶勉爲之

采訪冊

檀之進字用先太學生幼拾太平賈客遺金還之嘗賣產以償姪債讓基以成鄰宅鄰有因貧出妻者贈以金夫婦獲全每凶年給糧種不計其償償不收息螺螄橋王家橋

鍾英門外橋皆進倡義修築

采訪冊

鞏騰高字次濱太學生族鄰有婚娶殯事無論親疏遠近

貴池縣志

卷三一

人物志 義行

二十

借貸無吝不責其償鄉里咸稱義士

采訪冊

桂遠球字鳴玉幼失怙恃善事祖母球弟遠璧早喪撫姪

成立親族借貸未償者焚其券歲歉出穀以濟鄰里

采訪冊

胡逢時字凱臣諸生嘗捐田五畝助親支子弟讀書膏火

荒歉施粥散穀歲寒施衣不能殮者施棺歲以爲常

采訪冊

呂延廩生勤於誨人不計修脯成就甚衆與弟分宅讓新

居舊有辭包風著篆竹堂文稿前集子大鴻著篆竹堂文

稿後集品學皆足繼其先人

采訪冊

胡之銓字舟次太學生臨終命子取券焚之未盡目不瞑

乃搜括盡焚之遂瞑冊 采訪

曹守魁太學生乾隆三十三年捐資修城南利濟橋知府  
給功勳利濟額五十年大饑捐粟賑濟暴骨者施棺槨掩  
之冊 采訪

檀震坤字承萬府貢生質敏學邃終年閉戶循循誘人不  
計脩脯族中子弟皆勸讀書貧士倍加培植冊 采訪

胡凝然字吉人太學生乾隆五十年旱荒餓殍無數凝然  
發餘穀以濟族人全活甚衆後遂歲以爲常歿後子肇端  
仍遵父志散穀數年冊 采訪

貴池縣志

卷三一

人物志 義行

二二

檀發偁字逸亭素孝友嘗倡修波裏長嶺橋又以襯腰石  
嶺爲往來要道漸險難行修築平治行者便之冊 采訪

曹楚字南侯官曲沃縣尉以親老乞休歸出餘俸遍贍族  
黨時連歲荒歉親支少安居遂以祖所遺宅分予之并各  
給田地凡數十畝有奇冊 采訪

姚光觀字上國嘗於沙溪河建橋以便往來石觜頭建亭  
以憩行旅死無歸者助之葬貧而病者予之藥又以掌水  
牌爲元二保下關倡首建閣以塞水口壽九十有四

欽賜八品頂帶冊 采訪

曹守曉嘗建太平橋橋頭建太平亭每歲夏秋施茶五十

餘年無懈采訪冊

姚武字孝繩嘗設局蝦湖村製藥遍送遠近病者德之采訪冊

冊

曹晉字接三太學生性好義至親待以舉火者十餘家鄉鄰有爭必力排解雖費百金不惜歲歉輒捐穀以周貧後家漸中落猶強爲善采訪冊

呂曰英字碩功乾隆乙巳歲荒貸三百金周給族黨有葉姓者鬻妻供食曰英覘知之如其直與之金妻得完聚生

貴池縣志

卷三一

人物志 義行

二二一

二子以續宗祀采訪冊

包士登太學生性孝友董修學宮見崇聖祠傾圮呈請捐修未果而卒子文宿承遺志鳩工鼎建規模一新采訪冊

包遇良字漢乘人有爭訟必苦口勸止不惜解囊排難所居鄭村數十年無訟宗祠前有屋塞道乃倡捐購入公移其屋有祖墓在齊山捐田召佃看守蔭木自此無侵者乾隆乙巳大旱糴米煮粥全活甚衆一日自大通歸有周姓者泣於途問之言窮冬被竊情急將投水遇良再三勸慰命僕送歸濟以金越五日周聞叩門聲啟視則所失物亦

還置門外矣人以爲遇良所感動云

采訪 冊

王國觀素性嚴正好倡義舉掩骼埋胔不惜傾囊尤精岐

黃家術施方施藥活人無算

采訪 冊

張逢泰素性耿介守正不阿郡城下關饅頭山居民訛言

山產石炭議欲開采逢泰以正言論止至今賴之

采訪 冊

章慶隆性剛直里有爭訟輒排解之歲饑傾囊以賑

采訪 冊

汪道謨母疾亟割股調羹以進病得痊嘗拾遺金還之其

人歲歉助賑施粥享年九十餘鄉里稱之

采訪 冊

吳桂芳字丹茂少以勤儉成家積而能散歲歉捐糶合邑

貴池縣志

卷三一

人物志 義行

一三三

修興濟橋輸五百緡以助卒年九十

采訪 冊

潘德俊由太學生授州同孝事孀母多行義舉族鄰稱之

采訪 冊

曹光璧捐田於永明寺煮糜以賑族鄰與姪宗文同建曹

家亭宗文又建利涉橋於趙家阪

采訪 冊

曹允謙習醫濟世不受饋物著有濟急醫方行世又修白

沙鋪要道

采訪 冊

徐志主嘉慶五年合郡修通濟橋與族人志孟以寬合捐

石料以成美舉

見通濟橋碑記

徐之聖字少賢捐田創建祠宇又倡建關聖殿於萬羅山

之麓

采訪  
冊

鮑九遷字子喬守正不阿時兄弟薄宦在外九遷訓姪成

立里中寒士讀書時助膏火郡大夫高其行舉鄉飲賓

采訪  
冊

冊

姜其章字煥文初由吏員選東莞縣典史改授清河乾隆

五十年大饑途斃無數其章捐廉掩屍三百餘口寒冬給

散棉襖與極貧民又奉委巡黃河夜聞婦人泣聲甚悲使

人問之云夫名周健出遊三載未歸家貧姑病情急悲嘸

貴池縣志

卷三一

人物志 義行

二四

其章給銀一兩以助醫藥回署憐婦孝心可嘉卽造健家

書寄銀十兩建母得書頓愈逾兩月健歸始知銀信所自

采訪  
冊

孫述堯字繼勳母病割股本生父母病又割股二次救之

家貧好施值大雪聞有飢餓不能出戶者造門送米

采訪  
冊

王一清至性孝友好施與有黃姓者爲債所逼不欲生一

清稱貸七百餘金以償

采訪  
冊

杜過字補園母疾不痊割股療治兄弟已析居弟故婦孀

子幼因復合爨教姪成立家漸饒裕與姪平分親友有絕

者代爲繼之貧不能葬者購地瘞之享年七十無病而終

采訪  
冊

曹雲開字天章諸生倡設義學置義田以助族人賓興之

費  
采訪  
冊

陳之魁親沒廬墓弟卒撫姪成立子秉泰繼之歲稔出粟

周恤鄉鄰  
采訪  
冊

王道塏號鸞湖孝事後母處世得退一步法嘗作八負詩

謂負身及負祖父弟兄師友與叔也讀之可見真性  
采訪  
冊

呂作梅字虞階諸生有高行里有紛爭見之輒解嘗關小

貴池縣志

卷三一

人物志 義行

二五

園於姥山之麓植松柏桂竹女貞題曰五林園自號五林

居士賦詩其中蓋取林木比君子之意以自況云

曹守端號樸菴倡立義田以奉祭祀兼助婚喪族人賴之

采訪  
冊

黃世靜字有常讀書尚實學北遊京師講學有聲大府屢

聘入幕所得館穀悉周貧乏及老旋里有門人贈以棟木

棺途中舟人故無以殯卽與之  
采訪  
冊

王昌基字思誠太學生制義田建寢廟歲荒施賑益嶺怪

石崎嶇輸三千工修平之行人稱便  
采訪  
冊

曹在天字飛五孝友明大義從兄在田病篤泣語曰母老子幼非弟孰全在天許諾事伯母如母撫姪如子嘗於金陵買一婢哭甚哀詰之曰母病無養弟弱無哺恐不保在天惻然遣歸族有鬻以地復他鬻者在天卽焚其券得地者慙還其半直屢捐資建橋築亭鄉人義之子斗孫夢彪皆有文名

采訪冊

曹雲昌字世奇以諸生授州同歲歉出數百金戶給三兩又散穀百餘石

采訪冊

王世爵字朝尊嘗築翠微亭相公墩乾隆甲寅歲歉饑捐

貴池縣志

卷三一

人物志 義行

二六

米平糶子蘭和州學正孫烈霖俱屢捐穀救荒合邑修興濟橋捐錢五百緡以助烈

欽賜八品霖拔貢

采訪冊

曹時憲字裕和五世同居怡怡無間嘗爲都昌尉捐廉助賑邑人狡獪率多冒領時憲力剔其弊民沾實惠有爭山訟積六十年莫能決時憲奉委履勘以理開導化爭爲讓

采訪冊

曹柱中援例理問歲饑捐金平糶以濟族人里有不能婚葬者慷慨助之時建橋梁人免病涉享年九十有五親見

七代五世同堂咸稱人瑞嘉慶二十五年

欽賞緞疋銀兩給七葉衍祥額

采訪冊

桂士鴻字任先居家儉樸處世真醅勤苦成家能慷慨好

義獨建宗祠置祭產計費五千餘金饑年平糶捐金數百

合邑建興濟橋輸五百緡以成善舉

采訪冊

姚潔字履清諸生精天文嘗造星盤按之躔度不差杪忽

家極貧至以紙爲帳或憐之濟以金曰吾雖貧不受人憐

采訪冊

張誠字立修太學生嘉慶七年大旱誠盡所藏穀五十石

貴池縣志

卷三一

人物志 義行

二七

散諸族人鄰有火災資以錢穀不至失所待族叔儀鳳尤

厚後儀鳳議敘授大名典史以疾告休官橐蕭然誠往扶

掖歸里沒後撫其孤寡遠近咸重其義

采訪冊

吳才俊字漢英嘉慶十九年饑捐穀以賑二十二年冬施

衣襖與凍者造使力阡大路并施茶粥臨沒呼其子於榻

前盡焚借券鄰里德之

采訪冊

胡大志太學生承父正恩遺言置買租穀存給貧乏嘉慶

十九年旱荒平糶捐米三百石子光誥光訓道光三年水

患各平糶米百石

采訪冊

方璿字賢階諸生事祖母孀母至孝嘉慶壬戌甲戌歲饑璿皆施粥半載冊 采訪

何學濂字遜周歲貢敦孝友重然諾尋常晉接如對嚴賓以善教人不憚苦口四方皆尊禮之冊 采訪

汪浚字晴川九歲失怙母守節浚孝養備至弟瀚出嗣伯父分爨一如同居待諸姪如己子延師訓誨族中貧乏者貸不求償歉歲施粥道光三年水災出穀濟人全活無算又捐宗祠祀田塑光教寺關帝神像捐香燈田造湘阡大路以便行人冊 采訪

貴池縣志

卷三一

人物志 義行

二八

程良佐字柱尊合邑修興濟橋捐錢千緡助之又輸三千金於秀山書院以助膏火冊 采訪

吳元美字黃峰家素貧嘗荷擔夜歸道拾遺金二十餘兩候其人還之後其子振翎補弟子員失金者至門拜賀以前事告諸賓友無不嘆服冊 采訪

唐煌字夢飛諸生貧而力學工書畫父病醫治不效禱神願以身代父沒宿柩傍三年姊氏孀居撫孤成立鄉黨義之冊 采訪

舒堯泰字紹廷少甚貧勤儉成家好行善舉時縣學文昌

閻災遺命子珮瑤修建珮瑤出千金獨力建成督學白鎔  
試畢詣閣行香甚嘉歎之知府蔡炯主議修興濟橋珮瑤  
首捐千緡歲歉平糶捐數百金爲倡衆稱善士

采訪  
冊

以上漆志附新纂

紀宗紹家不豐而好善與其族紀頊國鳳國儒長通輩俱  
以孝義稱

謝志

王廷秀弱冠喪父力敦孝義嘗修高橋便行人前令姚德  
憲獎以望重槐庭額

謝志

王廷科事孀母以孝稱家素封好施里有鳳凰橋久圯科

貴池縣志

卷三一

人物志 義行

二九

獨力鼎新前守李士傑諭郡博陳以剛爲文勒石

謝志

楊永富字方穀邑庠生孝義性成倡建僊嶺亭修葺橋路

捨棺掩骼辟舉鄉賓二次給冠帶享年百有一歲

謝志

王志義字星友家貧良於冶積資喜爲善郡西門外至憩  
行亭十三里許義砌石路建和風亭行者便之通判朱贈  
詩曰心坦常修路股癥爲救親並獎其孝行焉

府志

管嗣容字茂之事父母繼母克盡子職友愛諸弟族有貧  
不能治生者資以衣食順治十八年饑茂出倉廩周貧乏  
康熙十年饑郡大吏賑於鄉茂輸麥以濟十九年饑喻大

中丞守池諭六邑好義者賑恤茂捐穀若干石先後所活  
飢民甚衆每歲暮察鄰有空乏者給粟卒歲修葺橋梁寺  
觀子引鳳恩貢孫天郊補郡庠另有傳

人物志

劉漢胄字耳孫明嶧桐孫嗜學工文補博士弟子員晚年  
益沈厚郡有某顯者以胄爲名人後敬禮之歲時厚餽延  
爲上賓顯者自負能文酒酣出袖中作同席交口贊揚胄  
獨抗顏曰文未佳顯者怏怏不樂同席亦皆不安胄飲酒  
自若識者竊歎其有古人氣節云

人物志

王一佐好善樂施歲時伏臘族黨貧乏者佐皆餉遺婚喪

貴池縣志

卷三一

人物志 義行

三十

艱難者佐必資助子鉉性至孝嗜學不求仕進孫五傑邑  
廩生聘義方皆博學能文晉楚皆克繩祖武鉉年八十餘

孫枝繁衍甲於里黨

人物志

許梓字繼喬孝父母友兄弟撫孤姪成立修橋梁道路濟  
貧乏好善不倦鄉里重之

人物志

胡應穆字希文幼嗜學事父母至孝友于兄弟捐貲賑孤  
貧造橋梁渡舟排難解紛中年喪妻不復娶年七十餘子

孫繁衍

人物志

汪啟蒙字養正父大新早沒母檀氏守節蒙事之色養兼

至生平慷慨好施傾囊贈友毫無德色凶歲出穀賑饑活

人無算年八十卒

人物志

陶世源字泉若弱冠喪父事母盡孝友于兄弟姻婭中貧

無歸者收撫之久而不倦居鄉解難排紛鑿井圈建涼亭

捐金造橋掩埋露骨晚年由河工考授府參軍年六十有

一終子六松補郡庠楷登癸巳武孝廉

人物志

吳來漳性孝友操行方直鄉里敬之捐資建學宮請於當

事禁大樓山挖煤積行種種

人物志

陳國楨字碩臣天性孝友居親喪三年不內寢不言笑操

貴池縣志

卷三一

人物志 義行

三一

行恂謹然鄉邑爭訟輒片語解之人有緩急傾囊以濟丙

子省試懷桐有士子構隙楨爲解釋人稱長者

人物志

曹汝瓊字忠白行已端直家不富而好施歲饑鬻產買米

煮粥以賑得活者不可勝計仲子兼爲博士遇

覃恩贈如其官

人物志

曹模字公則幼失怙恃與弟森友愛後居積致贏推解周

急有言必踐以未得久事親逢祭與忌日必泣下有祠歲

久議修無費模獨任之鳩工庀材數月落成

人物志

章承鼎字君爵性正直居鄉排解享年八十有七縣令張

旌以公直可風

人物志

蕭一譽字經之事父孝兄弟皆食貧譽獨善治生貿於外有餘資必歸於父家漸饒置田廬甲里中父區爲三二歸兄弟一予譽怡然受之無所校父沒兄弟家皆落悉以產售譽譽償以金代納糧租仍歸兄弟後姪益貧譽復周之邑人高其義

人物志

吳曰標字汝建幼孤母病刲股進愈少習舉業弟運新成進士相與勉學不倦精岐黃術病者日造其廬全活甚衆晚年博通經史子集工詩賦琴棋郡伯喻公月夜訪之聞

貴池縣志

卷三一

人物志 義行

三三一

琴聲立戶外俟其終闋始入延於署內書額旌之曰清映菊潭郡伯郭公招與弈著弈譜贈以詩前令張公愛其來鶴賦載齊山志及韻紀年八十三手不釋卷性喜施與棄產周貧乏著有病思錄詩文全集心書三卷

人物志

陳一漸字進卿少穎異聞塾師講易卽能領悟長益嗜學父命與兄壯析居勉從之壯抱病不起漸躬耕養父母壯故撫姪如子居鄉排解人皆悅服

人物志

李元達字子敏居鄉有厚德凶年出穀賑饑修七里嶺行

人便之

人物志

錢國順字孝先居家孝友崇師重道性耿介居鄉排難解紛人皆重之子六俱克遵遺訓

人物志

錢國魁字衡珍持身耿介幼失怙事孀母許四十餘年色養備至閭里以孝稱性質實敦古處鄉人敬憚之

人物志

錢三仕字公錫孝友性生敦睦宗族兩姪孤貧視如己子撫以成立居鄉解紛息訟凡利人事無不爲之

人物志

蕭琦字嗣賢邑庠生考授州佐家素封守遺訓敦孝友樂推解事親盡職父沒哀毀骨立葬祭合禮周恤弟姪噓寒分燠冬施絮襖暑施茶湯凶歲出倉穀作粥以食飢人且

貴池縣志

卷三一

人物志 義行

三三三

勸當事及邑之富者糴穀以賑邑有大疫捐費施藥沒者斂以棺施郭外地十七畝收葬露骨凡千餘塚重建郡西及流婆磯橋清溪埂齊山妙空巖寺三台墩閣倩僧檢字紙焚於寺爐積善種種數十年不倦後家落鍵戶自守以詩酒自娛篇什極富從兄樓嗜學工詩日與唱和士林傳爲二難

人物志

張光號梅巖性嗜學困於場屋癸未謁京邸補官生乙酉歸里丙戌饑鬻產以賑戊子饑倡義捐穀計口給糧前令王給額二次一樂善好施一周急爲懷至老手不釋卷孝

友謙和鄉人悅服父作賓列宦績

人物志

以上新增

檀騰霄監生成豐六年大旱出糧百餘石賑飢自甘粥食時有南陵人十二口賊中逃出騰霄僱人送歸費錢數十千類此者甚多

通志參  
采訪冊

羅漸達監生產業約萬金施予殆盡

通志

鄭樹聲監生遵父命建亭於桂林村外名古稀因父壽屆七旬也每歲自端午至中秋止施茶亭中數十年不倦賑

饑修路施藥善事頗多

通志參  
采訪冊

貴池縣志

卷三一

人物志 義行

三四

胡萬鏞貢生仁四保西溪爲徽建通衢夏則洪漲冬則冰堅行人苦之創建三洞石橋於牙關山下歷十餘年始成用銀二萬有奇族衆輸錢僅三千緡餘皆萬鏞所捐監督修造久不辭勞又見仁三保紅石潭石橋傾圯不便行人捐資倡修完固他如施棺周急不勝枚舉

通志參  
采訪冊

桂步昌監生字果成貿易起家捐錢數百緡爲祀祖費并族中義學咸豐間族人遭亂流亡多賴全活

通志參  
采訪冊

唐樹芳性好義捐銀千兩錢千緡置書塾并義租以贍族中無力讀書子弟并爲荒歲賑饑用呈縣有案

通志參  
采訪冊

曹子彬監生好善樂施鄰有邱又生者家貧母死廬墓深

山彬攸助粥食並為養其妻子咸豐甲寅奉諭團練捐米

斂銀解往太邑大營接濟軍餉知縣孫稱為一鄉善士

通志

參采  
訪册

曹錦標附貢曹池川從九均屢施穀賑飢

通志

曹錫田布理問凶年散粥給衣施棺以千金修池州府新

橋建慶雲閣於下關施茶湯點夜燈以惠行旅

通志參  
采訪册

曹向離監生曹敬國理問均三次賑飢咸豐三年敬國修

普濟橋以利行人

通志

陳之炳監生善體親心施粥散衣父沒捐金數百兩施散

飢民後家貧典衣鬻產買米賑饑鄉里稱之

通志參  
采訪册

俞相字澹川邑文生秉心正直績學能詩郡城東北三台

墩舊址圯廢相偕姚翔黃承祁修築

見桂超萬詩集  
自注並通志

唐執中廩生工書能文性至孝父病疽衣不解帶者月餘

醫藥均窮默禱身代疾得愈咸豐癸丑父卒殯於堂適髮

逆竄境執中守棺不去後以傾貲辦團家中落課徒積館

穀二百金盡以贖同里被脅難民

通志

姜珩優增生品學為邑人欽仰卒後合邑紳士臚列事實

稟學使車獎給積學敦倫額

采訪冊  
下同

李明球字國瑞素敦孝友菜果新登必買獻親親未食不  
先食嫂寡而瞽養送備至待姪如子性慷慨道光閒多水  
患親友就食者日三四人歷數年無德色初代蕭姓掌判  
與劉聯姻後蕭貧劉有悔意再三勸成及納幣路遇奉醮  
童子幣爲所污劉不受遂代更之有窮民抱布易粟者爲  
市僧騙去沿街號泣憐之償其值子患癰醫效因購其方  
製藥施人數十年不怠且喜放生見市生雁二垂其翼不  
能飛買飼之閱數旬飛去倡修西廟鳩工平基見蟻穴衆

貴池縣志

卷三一

人物志 義行

三六

欲投以火持不可畚去約七八斗古人救蟻有同心焉其  
餘濟急平路掩骼助葬善不勝舉享年七十五常以富貴  
一時名節千古爲庭訓子六孫曾二十多成名者人稱天

道

采訪  
冊

王永清慷慨好義族黨多賴之嘗值荒年米價騰湧念賑  
飢無力鬻田產九畝三分得錢百八十餘串親往建邑運  
米至境平價糶之循環不已錢盡乃止

采訪  
冊

陳正儒字榮善素行陰隲道光閒多水荒有鬻妻子者必  
設法全之無力婚葬者必竭資助之一日見雪中有凍餓

瀕死者解緜襖衣之負歸救甦又東塘湖渡舟載十餘人  
遇暴風舟幾沈親率家丁飛楫援之清溪河口風屢壞船  
多爲所拯並助川資每歲除有斷炊者暗餽錢米創建宗  
祠掩埋枯骨避亂荷葉洲窮冬冰雪時散粥炭以濟難民  
享年七十六孫曾繞膝後以子景福官安慶府教授

敕贈文林郎

采訪  
冊

柯交瑞邑庠生精幼科孝事老母奉養服勞不假兒媳年  
三十六喪妻不再娶

采訪  
冊

曹登瀛字海洲增貢生性孝友母老奉養不違弟登庸早

貴池縣志

卷三一

人物志 義行

三七

卒姪幼代營家計撫姪成立與葉英倡建興仁局兵燬復  
督修不辭勞瘁爲人謀不負所託善書畫大字尤工

采訪  
冊

陳金鎔性誠樸知大義爲縣學書留心風化訪有孝貞節  
烈事輒記之積年爲節婦朱曾氏等七百餘人繕文彙詳  
請

旌以兵亂未行及賊竄境金鎔懷冊避山中到處采訪如故皖  
省肅清設采訪忠義局卽乞學詳報得

旌如例兵燹後各婦鮮有後裔而節烈不至泯沒者金鎔力也

鎔援例從九品子繼先人郡庠

采訪  
冊

劉六意奉母命建亭於胡婆嶺施茶涼熱惟人所欲采訪冊

方獬字蒼植庠生留心忠孝節烈力清南京黃公祠祀田修趙公昂發墓勒石戒侵伐並立府學禁碑督修縣學疏

濬戚公塘以培學校學使獎以名教干城額事略見黃公祠館錄

章際昌字國麟貢生咸豐六年大旱散粥濟貧兵燹後捐資埋骨避難江北見友人鬻妻解囊助之全其夫婦采訪冊

胡明暢字清齋侍奉父母朝夕問安數年不倦同治三四年收檢露骨數百棺送至白葉沖大礮二處安葬采訪冊

王振昌監生咸豐間升米百錢人多飢困昌越嶺至建邑

運米賑濟捐修樗根蜈蚣雞頭各嶺通衢大路采訪冊

王振倫從九銜同治二年與叔紹羲弟青雲運米賑飢鄉人賴之紹羲又與弟紹沃共建仁壽亭施茶行人便之采訪冊

陳宰臣倡義學輸學租八十餘石造安禮亭於黃杜嶺修

通徽池大路貳百餘丈采訪冊

王福志號福春性孝友操履誠實伯仲四福居長父母喪多宿負福獨任之不累諸弟析爨時遺產悉歸弟初傭於建德堯渡鎮貲稍裕治生衣鋪有買衣者誤認夏布爲羽

毛店夥乘機誑以重價已成交福適自外至具道其實平  
值售之嘗有貸銀百餘兩者去數日以僞來告福曰吾銀  
自某來不便轉告概以足紋易之凡交易偶收僞番蚌必  
傾化之曰不欲累他人其待人渾厚率類此輸祀田置祭  
器修通徽池大路貸錢穀不責券亦不計息子用寶現官

訓導

采訪  
冊

李席珍字明忠監生成豐間與陳之琮傾囊募勇督辦團  
練於利市小演各阡口擊敗髮逆萬餘人剝賊頭皮賞給  
五品平生仗義與弟分爨後弟遭匪擾破家席助資讀書

貴池縣志

卷三一

人物志 義行

三九

入泮周恤孤苦捐造祠廟橋路

通志載武勳今  
參采訪冊移此

包昌齡監生温和好義嘗因修橋路旁挖出大釘三知爲  
古墓所遺乃築塚立碑祀之念外祖母柯實芳妻羅氏苦  
節生養死葬並爲請

旌胞姊適張氏家貧爲之養送撫外甥教養授室厥後五子同  
年入泮孫曾繁盛享大年人以爲報施不爽云

采訪  
冊

包瑤章字漢英好善樂施修橋整路憐貧恤困一切義舉  
慷慨捐資子震坤亦好善道光間家財漸落賣田數百畝

以濟貧曰此父志也人稱累世積德

采訪  
冊

鄭泰興字天恒監生少孤事母孝尤好義道光閒大水捐

資助賑事聞巡撫鄧獎題誼篤維桑壽九十歲  
冊 采訪

葉英歲貢生年八十五歲與曹登瀛倡建興仁局咸豐閒

兵燹後散米賑荒龔學使給大年鄉望額  
冊 采訪

劉兆太學生性孝友多行善事九子嶺有石橋爲山水所

圯捐金築之以濟行旅道光閒連歲水災捐穀賑飢全活

甚眾常施藥以療人病置櫬給不能殮者人咸感其德以

孫瑞芬含芳長春貴

贈榮祿大夫振威將軍  
冊 采訪

貴池縣志

卷三一

人物志 義行

四十

曹維崑好善樂施鄰里頌德嘗於通徽池大路之東阮嶺

重修涼亭暑天施茶  
冊 采訪

曹桐字臨風監生幼貧事母孝值兵燹聚團以衛鄉里晚

尤好善倡建宗祠捐修廟宇橋路鄉里頌爲善人  
冊 采訪

姚鵠飛監生嘗子身往江北經商償父宿逋不與諸昆弟

較異母弟有孱弱者分己資貳千餘緡給之晚歲好義尤

篤  
冊 采訪

陳世溥捐西廟香燈田拾壹畝地一畝一分並河宕草廠

等業刊有碑記知縣盧元璣給尚義報功額  
冊 采訪

張文瀾附貢生兵燹後見屍骸徧野出金收埋族人避難  
歸飲以穀遇義舉必捐助重刊吳非三唐編年樓山堂集  
行世議修樓山寓堂工未竣而終

采訪  
冊

李光裕兵燹後繼以凶荒死亡徧野獨輸穀賑飢又捐資  
於各處收殮骸骨封以大塚

采訪  
冊

王正昇邑庠生捐修五里埂炭埠橋數次

采訪  
冊

房全謨監生捐修炭埠橋五里埂泥新橋項賽橋數次道

光二十八年倡修長樂圩子永澍重修房家亭

采訪  
冊

陳玉書邑庠生道光年倡修太平圩

采訪  
冊

吳經緯樂善好施鄉里排解道光二十八年大水出錢貳  
百餘千濟荒人多賴以全活年七十四無病卒

采訪  
冊

陳殷號趣園邑庠生品行嚴正鄰人賣妻出金贖回乾隆

間縣令蔡儒亮諭爲族正給治族條例書一部

采訪  
冊

陳世文字彩玉年八十八性嚴正慎取舍本房有再醮者  
夜餽錢貳拾四串毅然不受生五子皆瑰異次子巨光年  
八十五尚康健四子邑庠生斌敦品勵行嗜古文善楷書

屢薦未售郡優廩生龍其嗣也

采訪  
冊

姜家宴字殿賓正直不阿族人推主祠政事無大小一經

判決衆皆悅服嘗患山路崎嶇募貲修補倡修東仁橋建

亭以息行者享年八十四

采訪冊

馬仟好義時連年荒歉居民困苦前令勸賑仟發粟三百

餘石鄉人德之

采訪冊

胡增奏處士家不甚裕而好義嘗鬻產代償友債輸田助

修橋梁徧立孤墳碑標祀施櫬掩骼出衣食周凍餒分錢

穀濟鄉鄰里人樂道之

采訪冊

王烈字國奇從九銜樂善好施道光三年賑飢捐錢六百

緡議敘八品重修齊山翠微亭

采訪冊

貴池縣志

卷三一

人物志 義行

四一

高頌唐字堯夫聰穎好學藏書萬卷研求洞達尤精易義  
爲文古奧不利場屋援例報捐州同因病未仕家居樂善

子錫銜別有傳

采訪冊

高森字春華少孤貧事母孝游京師與李公榕交李奉

旨參贊軍務森與焉克復安徽辦理善後森尤出力同治辛酉

壬戌間難民滋事道路梗塞有以貴池義一等堡勾留敗

匪劫搶控於大營者方議發兵搜捕森獨力保謂吾鄉忠

義素著請先往查乃單騎入鄉散給糧米並助牛種安撫

遺黎全活無算池州克復前令馮征收錢漕義一保貧民

無出森捐銀代爲完納凡族中先後殉難者森稟聞入奏奉

旨優卹准建專祠坊森由禮部儒士保舉同知銜卽選知縣

賞戴花翎

采訪冊

韓品璋博學習岐黃術活人甚多不索謝遇貧苦者給藥

劑散財濟急鄉里義之

采訪冊

高以莊字臨之號平泉郡庠生工詩善書性淡泊不慕榮

利築問春園澆花種竹以娛志精岐黃四方求者日填門

不受謝遇貧苦必助藥物人尤德之粵匪之變倡族人團

貴池縣志

卷三一

人物志 義行

四三

練以憂勞卒所著問春園詩集醫案日記俱毀於兵

通志附忠

義高都臣傳內今

參采訪冊載此

姚瓊林字筠甫由庠生援例布政司理問銜道光閒監修

文廟及學署素好學著有四書集讀質疑小草文法度鍼

諸書

采訪冊

按瓊林倡修文昌宮捐賑漆志已附載姚勗傳內

姚錦祥字東曙援例布政司理問銜性慷慨嘗於蝦湖之

南通黃山九華要道建造廣福石橋以便行人

采訪冊

姚名杰字承武郡庠生年七十嘗製額自述生平志多未

逮四十約社友重建青山廟五十膺郡伯蔡雲橋聘督修  
興濟橋六十合族人修宗譜七十監修金陵黃公祠一生  
梗概多急公慕義云

采訪  
冊

章獻字振武邑庠生與弟友愛分居後所得硯資均分二  
弟培持節孝捐資代請

旌表增訂桂杏聯芳譜刊刻勸世

采訪  
冊

姚杰字鍾秀太學生性純厚兄弟俱早世遺孤寡善爲撫  
字貿易江湖所置產與姪均分族戚有貧乏者推解必周  
婚喪相助六七十壽出貲修路八十壽方時亮贈盛世

貴池縣志

卷三一

人物志 義行

四四

耆英額逾二齡無病卒

采訪  
冊

吳元吉庠生性孝友好施濟嘗在揚州城外貿易救危拔  
困人以觀音菩薩稱之

采訪  
冊

姚正倫慷慨好施向在定遠池河鎮開張香店凡遇善舉  
竭力助成池河大橋爲往來要道年久傾圮倫倡修之行  
人稱便縣令詳請咨部批飭給額示獎鳳穎道周獎以好

善樂施

采訪  
冊

高禮賓號松山先世商於泰州遂家焉賓幼慧善讀早失  
怙賴母教以成嘗走京師入太學冀得一官以慰母心聞

母召忽遽回里終養篤於族誼與胞叔已析爨叔老而貧分己產潤之咸豐間故鄉兵火親族逃亡來歸者衆寶量能授業飲食之飲助之婚嫁以時訓諸族子若已出賴以舉火者數家晚年猶刻意爲善施方藥送善書遠近稱善人焉長子世煥克承父志

采訪冊

孫懷字暢文幼失怙恃年十二隨表叔高憲章貿易泰州道光間多水災店事不支憲章走京師懷奉表孀以居負販餬口值災年米珠薪桂日食一粥以度里有富商見懷忠勤以厚俸招之懷曰余受表叔恩不忍負也卒不從

采訪

貴池縣志

卷三一

人物志 義行

四五

冊

俞德麟性孝友兄弟五麟居長析產以沃者讓諸弟遇饑饉族里有貧困者設法濟之前令戚獎以義行可風

采訪冊

柯啟超監生好善樂施家素裕因施濟漸落自奉不給每聞義舉務必設法助之葉姓修第一橋啟超鬻產捐助成其事壽九十七歲

恩賜文林郎

采訪冊

唐千祥字慶若世篤孝友七世同居門內八十餘人雍睦無間言親族有告匱者皆量給之鄉里善舉亦多贊成年

八十三無疾卒 采訪冊

柯名謙性好義與弟玉謙分爨後家計維艱名謙獨往通州貿易漸致小康道光閒水荒招玉謙至通復合爨同居四十餘年敦友愛無閒言各生二子皆能繼志 采訪冊

姚東祥性孝友少隨父負販父沒負骸歸葬哀感行路家小康凡修橋建廟解囊捐助遇親族貧苦者竭力周濟享年九十有三子希煌克承父志子孫昌盛鄉里稱善報云 采訪冊

姚以恩字國寶素好義少貧偕弟傭力通州資稍裕業賈

貴池縣志

卷三一

人物志 義行

四六

弟卒遺孤甫三齡教養成名亂時妻奔通以翁姑未出告恩泣曰父母坐斃子何生爲遂不辟艱阻迎養於通亂定父母歸相繼沒喪葬盡禮見白骨遍野僱工檢埋屬子姪以時祀古西華橋圯傾囊獨修建水口武廟倡修青山廟吉祥寺親族婚喪無力者助之徐學使給古道可風額 采訪冊

俞其燦字象乾歲貢生敦品立行孝事親友愛弟敬師信友課讀勲懇成全後進甚多子桂芬邑增生 采訪冊

以上新纂

按采訪冊方造聖庠生崇禎時捐穀賑饑府教授華  
黃獎以望重儒林額方永祺監生康熙時捐穀賑饑  
知府吳節民贈以北學推元額方本蒼方炎烈方含  
章皆乾隆時捐賑救荒舊志均未載盧宗凱湖廣大  
饑與弟宗達捐賑濟之詔敕匾額壽官并未註何時  
姑附於此

民人吳盛垣字樹屏咸豐三年何時泰等乘粵亂爲土匪  
盛倡大義集眾驅滅郡城稍安

采訪冊

